

Es de zon sjeint

Es de zon weer aon d'n hiemel steit,
Is 't zjus of alles beter geit,
Alles zuut gans aandere oet es de zon sjeint.
Eederein heet daan weer beter zin,
En d'n haon geit dèkser nao de hin,
Alles zuut gans aandere oet es de zon sjeint,
En de meiskes zien zoe leuk gekleijd,
In 't park dao weurt flink gevreijd.
Ach, wat is 't leve sjoen es de zon sjeint.
Eder ruuske kump oet ziene knaop,
Eder hoese weurt met plezeer gesjroob,
Ach, wat is 't leve sjoen es de zon sjeint.

Eederein is daan weer eve blij,
En de schäöpkes laope in de weij,
Alles zuut gans aandere oet es de zon sjeint.
En de veugel vleege door de loch,
Opa heet ziech un nuuj pruuk gekoch,
Alles zuut gans aandere oet es de zon sjeint.
Kinderkleijer haange in de kas,
Veer weure lekker broen op 't terras,
Ach wat is 't leve sjoen es de zon sjeint.
En de vèsser aon de waterkant,
Hèlt zie geerdsje lekker in zien hand,
Ach wat is 't leve sjoen es de zon sjeint.

Ach wat is 't leve sjoen es de zon sjeint.
Eederein is daan weer eve leef,
Veer lache euver de belastingbreef.
Ach wat is 't leve sjoen in de zon ...
Veer flaanere s'middags door de stad,
Zegge hoonderd kier diech bis 'nne sjat,
Ach wat is 't leve sjoen es de zon de zon sjeint.